



---

Osnovna škola „Hamdija Kreševljaković“ Kamberi, tel/fax: 035/857-243, e-mail: [os.kresevljakovic@montk.gov.ba](mailto:os.kresevljakovic@montk.gov.ba)

Broj: 05-636/25

Datum: 8.5.2025. godine

Na osnovu člana 59. Zakona o osnovnom odgoju i obrazovanju („Službene novine Tuzlanskog kantona“, broj: 10/20, 8/21, 11/21, 22/21, 5/22, 6/22, 10/22, 11/22, 9/23, 12/23 i 5/25), člana 74. Pravila JU OŠ „Hamdija Kreševljaković“ Kamberi – Gradačac, člana 5. Pravilnika o utvrđivanju Kriterija i načina izbora učenika generacije osnovne škole („Službene novine TK-a“, broj: 4/13) i Odluke Nastavničkog vijeća škole, broj: 05-576/25 od 23.4.2025. godine raspisuje se

## **O G L A S**

### **za izbor učenika generacije JU OŠ „Hamdija Kreševljaković“ Kamberi za školsku 2024/2025. godinu**

#### **I**

Pravo na prijavljivanje imaju svi učenici završnog (devetog) razreda koji ispunjavaju sljedeće uslove:

- a) da je u toku školovanja imao odličan uspjeh u svim razredima (minimalan prosjek općeg uspjeha u svakom razredu 4,8);
- b) da je u toku školovanja imao primjerno vladanje;
- c) da je u toku školovanja imao zapažene rezultate u slobodnim aktivnostima, takmičenjima, smotrama i drugim vannastavnim aktivnostima.

#### **II**

Prilikom vrednovanja za izbor učenika generacije u obzir se uzimaju rezultati o radu sekcija predviđenih Godišnjim programom rada škole, takmičenja u znanju i stvaralaštvu iz pojedinih nastavnih predmeta i osvajanja nagrada na takmičenjima, učešće i osvajanje nagrada na konkursima likovnog, muzičkog, jezičkog i tehničkog stvaralaštva, te sportskim aktivnostima provedenim u organizaciji škole, Pedagoškog zavoda TK-a, Ministarstva obrazovanja i nauke TK-a, te općinskih, kantonalnih, federalnih, državnih i međunarodnih organizacija koje se bave pitanjem odgoja i obrazovanja učenika.

#### **III**

Učenici koji ispunjavaju navedene uslove dužni su sekretaru škole dostaviti sljedeću dokumentaciju:

1. Dokaz o odličnom uspjehu u učenju i vladanju u toku školovanja;
2. Dokaz o aktivnosti i doprinosima u radu sekcija škole;
3. Dokaz o uspjehu na takmičenjima u znanju iz pojedinih nastavnih predmeta, konkursima, revijama, smotrama, izložbama i sportskim takmičenjima;
4. Dokaz o rukovođenju odjeljenjskom zajednicom;
5. Dokaz o rezultatima postignutim u vannastavnim aktivnostima;
6. Dokaz o vanškolskim aktivnostima, volontiranje (sportske, kulturne, društvene, humanitarne aktivnosti, te rad u nevladinim organizacijama);
7. Dokaz o završenim kursovima (informatike, stranih jezika i sl.);
8. Dokaz o završenoj paralelnoj školi.

**Bodovanje kandidata za učenika generacije vrši se na osnovu dokumenata iz dokumentacije i evidencije škole (potvrda, izjava nastavnika i dr.), diploma i zvaničnih Izvještaja organizatora takmičenja (od općinskog/gradskog do međunarodnog) i diploma i svjedodžbi paralelne škole koju dostavlja sam učenik sekretaru škole.**

Uz prijavu, kandidati za učenika generacije su dužni dostaviti svu dokumentaciju kojom raspolažu (diplome, uvjerenja, pohvale i druga priznanja koja su osvojili na općinskom/gradskom, kantonalnom, federalnom, državnom i drugom takmičenju). Za svu dokumentaciju koja nedostaje kod učenika (pohvale, diplome i priznanja i sl.), učenici mogu potražiti kod pedagoga škole.

**Dokumentacija uz potpisanu prijavu se dostavlja u originalu ili kopiji.**

#### IV

Elementi koji se vrednuju pri rangiranju kandidata za učenika generacije su:

- a) Uspjeh u učenju i vladanju u toku osnovnog školovanja;
- b) Aktivnosti i doprinosi u radu sekcija škole;
- c) Uspjeh na takmičenjima u znanju iz pojedinih nastavnih predmeta, na konkursima, revijama, smotrama, izložbama i sportskim takmičenjima;
- d) Rukovođenje odjeljenskom zajednicom;
- e) Rezultati postignuti u vannastavnim aktivnostima;
- f) Vanškolske aktivnosti, volontiranje (sportske, kulturne, društvene, humanitarne aktivnosti, te rad u nevladinim organizacijama);
- g) Kursevi informatike, stranih jezika i slično;
- h) Završena paralelna škola.

#### V

Izbor učenika generacije vrši Komisija za izbor učenika generacije u skladu sa Pravilnikom o utvrđivanju Kriterija i načina izbora učenika generacije osnovne škole („Službene novine Tuzlanskog kantona“, broj: 4/13).

#### VI

**Oglas ostaje otvoren sedam dana od dana objavljivanja na oglasnoj ploči i web stranici škole, a datum objave je četvrtak, 8.5.2025. godine.**

**Zadnji dan prijave na Oglas je četvrtak, 15.5.2025. godine.**

#### VII

Prijave na Oglas za učenika generacije, koju lično potpisuje učenik, zajedno sa dokumentacijom traženom oglasom uz navođenje koju dokumentaciju predaju, dostavljaju se u zatvorenoj koverti sekretaru škole sa naznakom „PRIJAVA NA OGLAS ZA IZBOR UČENIKA GENERACIJE ZA ŠKOLSKU 2024/25. GODINU“.

Na poledini kovert obavezno naznačiti ime i prezime učenika, razred i odjeljenje.

Neblagovremene i nepotpune prijave se neće uzimati u razmatranje.

Prijavni obrazac za Oglas može se preuzeti kod pedagoga.

#### PRILOG:

- Pravilnik o utvrđivanju Kriterija i načina izbora učenika generacije osnovne škole („Službene novine Tuzlanskog kantona“, broj: 4/13)



**NASTAVNIČKO VIJEĆE:**

Amir Mujkanović, prof.  
/direktor/

#### DOSTAVITI:

1. Oglasna ploča škole,
2. Web stranica škole,
3. a/a.